

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD GRAČANICA  
JU DJEČIJE OBDANIŠTE  
„NAŠA DJECA“ GRAČANICA

Broj: 663/23

Gračanica, 19.10.2023. godine

Na osnovu člana 53. stav 1. i 4. Zakona o predškolskom odgoju i obrazovanju TK („Službene novine TK“ broj: 10/20 – prečišćeni tekst i 5/22), člana 20a. stav 2. Zakona o radu FBiH („Službene novine FBiH“ broj: 26/16; 89/18), člana 2. Pravilnika o radu Ustanove broj: 48/19; 483/19; 296/22, Odluka Upravnog odbora broj: 465/23 od 28.07.2023. godine i broj: 511/23 od 23.08.2023. godine te saglasnosti osnivača broj: 02-04-02377-2023 od 14.08.2023. godine i broj: 02-04-03316-2023 od 17.10.2023. godine Upravni odbor raspisuje:

### JAVNI KONKURS za prijem radnika

**Naziv pozicije:**

1. odgajatelj – 3 izvršioca na neodređeno vrijeme, puna norma
2. odgajatelj – 3 izvršioca na određeno vrijeme – do godinu dana, puna norma

**Opći uslovi koje kandidat mora ispunjavati su sljedeći:**

- Da je državljanin BiH
- Da je stariji od 18 godina
- Da je zdravstveno sposoban za obavljanje poslova radnog mjesta na koje konkuriše
- Da nije obuhvaćen odredbama člana IX stav 1. Ustava Bosne i Hercegovine

**Posebni uslovi koje kandidat mora ispunjavati:**

- VSS ili završen prvi ciklus visokog obrazovanja po bolonjskom sistemu studiranja u najmanje trogodišnjem trajanju koji se vrednuje sa 180 ECTS bodova
- završen Filozofski fakultet ili drugi nastavnički fakultet/pedagoška akademija – odsjek za predškolski odgoj i obrazovanje i stečeno stručno zvanje profesora predškolskog odgoja ili odgajatelj predškolske djece ili drugo stručno zvanje stečeno na odsjeku za predškolski odgoj i obrazovanje

Izuzetno, ukoliko se ne može obezbjediti odgovarajući broj lica profila i stručne spreme iz prethodnog stava, na poslovima odgajatelja predškolska ustanova može zaključiti ugovor o radu na određeno vrijeme sa licima koja imaju završen Filozofski ili drugi nastavnički fakultet – odsjek za razrednu nastavu i stečeno stručno zvanje profesora razredne nastave, bachelora razredne nastave ili drugo stručno zvanje na odsjeku za razrednu nastavu i položen stručni ispit, odsjek Pedagogija – VII stepen stručne spreme i stečeno stručno zvanje diplomirani pedagog-psiholog, profesor pedagogije i psihologije, profesor pedagogije ili ima završen prvi ciklus studija koji se vrednuje sa 240 ECTS bodova i stečeno stručno zvanje bachelor pedagogije-psihologije, bachelor pedagogije i položen stručni ispit, uz prethodno završenu modularnu obuku Pedagoškog zavoda TK za rad sa djecom predškolskog uzrasta u trajanju od najmanje 40 sati. Ugovor o radu sa ovim licima se zaključuje na određeno vrijeme odnosno do popune radnog mjesta osobom odgovarajućeg profila i stručne spreme iz alineje 2 posebnih uslova, a najduže 12 mjeseci.

- najmanje 12 mjeseci iskustva u struci nakon sticanja odgovarajuće visoke stručne spreme tražene konkursom
- položen stručni ispit
- da nije pravosnažno osuđen na kaznu zatvora za krivično djelo koje ga čini nepodobnim za rad sa djecom iz člana 57a. Zakona o predškolskom odgoju i obrazovanju TK.

**Opis poslova:**

Opis poslova za radno mjesto odgajatelj utvrđen je Pravilnikom o organizaciji i sistematizaciji radnih mjesta sa opisom poslova broj: 48-1/19; 483-1/19; 296-1/22 JU Dječije obdanište „Naša djeca“ Gračanica i obuhavata: planiranje, organizovanje i osmišljavanje aktivnosti koje potiču razvoj tjelesnih, duševnih i društvenih vještina djeteta, realizuje neposredno odgojno – obrazovni rad rad u grupi pripremajući se svakodnevno za rad, vrši svakodnevno posmatranje, praćenje i procjenu rasta razvoja svakog djeteta u svrhu planiranja aktivnosti, vodi evidenciju i dokumentaciju o djeci u grupi, vrši prijem i ispraćaj djece u/iz grupe, preuzima odgovornost za djecu u zatvorenom i otvorenom okruženju kao i na planiranim izletima, realizuje društvene i kulturne aktivnosti grupe i sl.

### Potrebna dokumentacija:

Uz uredno popunjen i potpisan prijavni obrazac koji se može preuzeti u sjedištu Ustanove na adresi ul. Mejdan Džedid sokak broj 8, Gračanica, od ponedjeljka do petka, u periodu od 07:00h do 14:30h, potrebno je dostaviti sljedeću dokumentaciju, original ili ovjerene kopije:

1. CIPS-ova prijava mjesta boravka – ne stariji od tri mjeseca
2. Izvod iz Matične knjige rođenih
3. Dokaz o posjedovanju odgovarajuće stručne spreme
4. Dokaz o položenom stručnom ispitu
5. Uvjerenje o pohađanju modularne obuke (za razrednu nastavu i pedagogiju)
6. Za lica koja su izvršila prekvalifikaciju i imaju položen stručni ispit, potrebno je dostaviti i akt Pedagoškog zavoda TK o priznavanju stručnog ispita za rad u predškolskim ustanovama
7. Ovjerena izjava od nadležnog organa da kandidat nije obuhvaćen odredbama člana IX stav 1. Ustava Bosne i Hercegovine – ne starija od tri mjeseca
8. Potvrdu/uvjerenje o radnom iskustvu u struci, izdatu od ustanove u kojoj je radio, iz koje je vidljivo da je kandidat radio na istim ili sličnim poslovima koji su predmet javnog oglašavanja, a na osnovu koje se vrši bodovanje kandidata
9. Kandidat koji ostvaruje prednost pri zapošljavanju prema odredbama Zakona o dopunskim pravima boraca i članova njihovih porodica TK i Pravilnika o jedinstvenim kriterijima i pravilima za zapošljavanje branilaca i članova njihovih porodica u institucijama TK dužan je dostaviti potvrdu/uvjerenje da se nalazi na evidenciji Službe za zapošljavanje (ne stariju od 15 dana od dana objavljivanja konkursa) i dokaz kojim potvrđuje pripadnost jednoj od kategorija boračke populacije u skladu sa Zakonom i Pravilnikom iz tačke 8.

### Obaveza dostavljanja dokumentacije

Kandidati koji budu primljeni u radni odnos, dužni su u roku od sedam dana od dana konačnosti Odluke o izboru dostaviti ljekarsko uvjerenje, uvjerenje o nevođenju krivičnog postupka, uvjerenje da nije pravosnažno osuđen na kaznu zatvora za krivično djelo koje ga čini nepodobnim za rad sa djecom iz člana 57a. Zakona o predškolskom odgoju i obrazovanju TK i urednu sanitarnu knjižicu nakon izvršenog sanitarnog pregleda. Ovi dokumenti ne mogu biti stariji od tri mjeseca od dana konačnosti Odluke o izboru.

Za pozicije 1. i 2. predviđen je probni rad u trajanju od tri mjeseca.

### Konkursna procedura

Konkursna procedura se sastoji od pismenog, usmenog i praktičnog ispita, koji podrazumjevaju poznavanje općeg znanja i zakonskih odredaba koje regulišu oblast predškolskog odgoja i obrazovanja. O vremenu, mjestu i načinu održavanja pismenog ispita kandidati će biti obaviješteni u pisanom obliku, putem obavijesti koja će biti dostavljena na adresu kandidata, kao i na e-mail adresu ukoliko je ista navedena u prijavi i to najmanje pet dana prije održavanja ispita. O daljem procesu izbora kandidati se mogu obavijestiti i usmeno ili putem telefona.

Nepotpune i neblagovremene prijave neće se uzeti u razmatranje, o čemu će kandidat biti pismeno obaviješten.

O rezultatima konkursa, svi kandidati će biti pismeno obaviješteni najkasnije u roku od pet dana od dana donošenja odluke o izboru kandidata. Obavještenje sadrži pouku o pravnom lijeku.

Konkursnu proceduru sprovodi konkursna komisija u skladu sa Pravilnikom o radu Ustanove broj: 48/19; 483/19 i 296/22.

Konkurs ostaje otvoren **8 (osam) dana od dana njegove posljednje objave**, a objavit će se na oglasnoj ploči Ustanove, dnevnom listu i oglasnoj ploči Službe za zapošljavanje Biro Gračanica.

Prijave se podnose lično, u prostorijama Ustanove ili poštom, preporučeno, na adresu: **Javna ustanova Dječije obdanište „Naša djeca“ Gračanica, ul. Mejdan Džedid sokak 8, 75320 Gračanica, sa naznakom „Prijava na Javni konkurs za radno mjesto odgajatelj“ - ne otvarati.**

